

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Komisija za jednakopravnost spolova

Broj: 02/9-02-878/24

Sarajevo, 7. maj 2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		16-05-2024	
Org. jed.	Broj	Priloga	Vrijednost

DOMU NARODA
PARLAMENTA FBiH

Komisija za jednakopravnost spolova Doma naroda Parlamenta Federacije Bosne i Hercegovine (u daljnjem tekstu: Komisija) održalo je 24. aprila 2024. godine 6. sjednicu na kojoj je, prema jednoglasno utvđenom dnevnom redu, razmatrala:

- Prijedlog zaključaka Tematske sjednice o institucionalnom odgovoru na nasilje u porodici i nasilje nad ženama;
- Informacija o trenutnom stanju PILOT projekta Inžinjerske komore FBiH (Implementacija tehnoloških rješenja u prevenciji nasilja nad ženama).

Komisija, na osnovu člana 51., a u vezi s članom 63. Poslovnika o radu Doma naroda Parlamenta Federacije Bosne i Hercegovine, podnosi sljedeći:

I Z V J E Š T A J

1.) Prijedlog zaključaka Tematske sjednice o institucionalnom odgovoru na nasilje u porodici i nasilje nad ženama

Predsjednica Komisije podsjetila je prisutne članice na aktivnosti sesije, u čijoj su pripremi učestvovala, odnosno na zaključke proistekle iz Zajedničke sjednice srodnih komisija oba doma Parlamenta Federacije u saradnji sa OSCEom od 4. aprila. Zaključci koji su tada usvojeni glase:

1. Zadužuje se Gender centar Federacije BiH, kao savjetodavno tijelo Vlade FBiH i koordinator Koordinacionog tima za praćenje implementacije preporuka Komiteta potpisnica Konvencije Vijeća Evrope o sprečavanju i borbi protiv nasilja nad ženama i nasilja u porodici i Komiteta eksperata GREVIO u Federaciji BiH, da pripremi pregled preporuka sa ciljem informisanja predstavnika i delegata u Parlamentu Federacije BiH o obavezama i smjernicama za djelovanje u otklanjanju sistemskih nedostataka u sprečavanju i borbi protiv nasilja u porodici. Gender centar Vlade FBiH se zadužuje za redovno godišnje izvještavanje Parlamenta FBiH o postignutom napretku u primjeni ovih preporuka u FBiH.

Rok: april/maj 2024.

2. Preporučuje se hitno usvajanje Strategije za prevenciju i sprječavanje nasilja u porodici 2024- 2027. godine u Federaciji Bosne i Hercegovine kao krovnog strateškog dokumenta za jačanje institucionalnog odgovora na nasilje u porodici i nasilje nad ženama od strane Parlamenta FBiH.
Rok: april/maj 2024.
3. Zahtjeva se hitna izrada i usvajanje pravnog okvira za sprječavanje nasilja u porodici i nasilja nad ženama koji podrazumjeva Zakon o zaštiti od nasilja u porodici, Krivični zakon i Zakon o krivičnom postupku FBiH usaglašenog sa Konvencijom Vijeća Evrope o zaštiti djece od seksualnog iskorištavanja i seksualnog zlostavljanja (Lanzarote konvencijom), i Konvencijom Vijeća Evrope o sprečavanju i borbi protiv nasilja nad ženama i nasilja u porodici (Istanbulska konvencija) te preporukama Komiteta potpisnica Istanbulske konvencije i Komiteta eksperata GREVIO.
Rok: juni 2024.
4. Zadužuje se Gender centar Vlade FBiH za uspostavljanje polugodišnje koordinacije domaćih i međunarodnih institucija i organizacije u vezi sa aktivnostima na provođenju Strategije za prevenciju i sprječavanje nasilja u porodici 2024- 2027., te preporuka Komiteta potpisnica Istanbulske konvencije i preporuka Komiteta eksperata GREVIO u Federaciji BiH.
Rok: do kraja 2024.
5. Usvaja se prijedlog za održavanjem dvije zajedničke tematske sjednice četiri komisije Parlamenta Federacije (Komisija za jednakopravnost spolova oba Doma, Komisije za sigurnost Zastupničkog doma i Komisije za ljudska prava i slobode Doma naroda Parlamenta Federacije BiH) u 2024. godini sa fokusom na:
 - a) pravosudni odgovor na slučajeve nasilja u porodici, uključujući odgovor policije, kao i izricanje, praćenje i provođenje mjera usmjerenih na počiniocce nasilja u porodici sa ciljem sprečavanja ponavljanja djela nasilja,
 - b) pružanje sveobuhvatne podrške žrtvama nasilja u porodici uključujući posebno ranjive kategorije žena (Romkinje, migrantkinje, žene sa invaliditetom)
Rok: do kraja 2024.

Komisija je jednoglasno potvrdila navedene zaključke uz napomenu da će biti upućeni na usvajanje u Domu naroda na sljedećoj sjednici Doma.

2.) Informacija o trenutnom stanju PILOT projekta Inženjerske komore FBiH (Implementacija tehnoloških rješenja u prevenciji nasilja nad ženama)

Prenosivi uzbunjivači, u obliku sata, narukvice ili privjeska kojima se, pritiskom na dugme šalje obavijest policiji sa podacima i lokacijom štićene osobe (žene) u momentu kada je ugrožena, novo je tehnološko rješenje u prijedlogu Inženjerske komore FBiH koje je članicama Komisije predstavio potpredsjednik IK FBiH Edvin Škaljo.

Iako je i ranije bilo sličnih prijedloga upravo je ovo rješenje dobilo podršku iz Centra ženskih prava u kojem se svakodnevno radi sa žrtvama nasilja. Meliha Sendić iz Centra ženskih prava naglasila je da se čini kao najbolje rješenje dosad i da bi se njegovim sistematiziranjem i upotrebom značajno mogli suzbiti slučajevi nasilja generalno, a posebno slučajevi femicida, kojima, nažalost, često svjedočimo.

Trenutno se pregovara sa firmama koje bi izradile samu napravu, a koju bi onda najmanje 10 žena u Zeničko - dobojskom kantonu, a uz podršku lokalnog MUPa, i drugih relevantnih, i testiralo.

U vezi sa tim Komisija usvaja sljedeće:

ZAKLJUČKE

- 1.) **Komisija daje punu podršku projektu IK FBiH i učinit će sve u okviru svojih nadležnosti kako bi na području cijele Federacije BiH ovakvo rješenje bilo u primjeni.**
- 2.) **Komisija podržava implementaciju svih dobrih rješenja u prevenciji nasilja nad ženama te smatra da je sa svih aspekata potpuno opravdano sistemsko uvođenje u upotrebu svakog rješenja koje bi podrazumijevalo jedan spašen život.**

Za izvjestiteljicu na sjednici Doma naroda određena je Aida Obuća, predsjednica Komisije.

PREDSJEDNICA KOMISIJE

Aida Obuća